

PARLAMENTARNA SKUPŠTINA BiH

Sl. gl. broj 12/06

Na osnovu člana IV 4.a) Ustava Bosne i Hercegovine, Parlamentarna skupština Bosne i Hercegovine, na 73. sjednici Predstavničkog doma, održanoj 30. januara 2006. godine, i na 53. sjednici Doma naroda, održanoj 31. januara 2006. godine, donijela je

ZAKON

O REVIZIJI INSTITUCIJA BOSNE I HERCEGOVINE

I - OPŠTE ODREDBE

Član 1.

(Okvir Zakona)

(1) Ovim zakonom uređuje se revizija institucija Bosne i Hercegovine - ciljevi, dužnosti, organizacija, rukovođenje i nadležnosti organa za reviziju.

(2) Reviziju institucija Bosne i Hercegovine obavlja Kancelarija za reviziju institucija Bosne i Hercegovine (u daljem tekstu: Kancelarija za reviziju).

Član 2.

(Definicije)

Izrazi upotrijebljeni u ovom zakonu imaju sljedeća značenja:

- **Kancelarija za reviziju institucija Bosne i Hercegovine** je najviša vrhovna institucija za reviziju utvrđena članom 20. ovog zakona;
- **revizor** je službenik kojeg pismeno imenuje generalni revizor da sprovodi dužnosti i funkcije Kancelarije za reviziju;
- **generalni revizor i zamjenici generalnog revizora** su lica imenovana na funkcije u skladu sa ovim zakonom;
- **Budžet** je budžet institucija Bosne i Hercegovine i međunarodnih obaveza Bosne i Hercegovine;
- **budžetske institucije** su sve institucije Bosne i Hercegovine, uključujući ministarstva Bosne i Hercegovine, upravne organizacije i druga tijela i institucije Bosne i Hercegovine koja se finansiraju iz budžeta Bosne i Hercegovine;
- **revidirane institucije** su budžetske institucije Bosne i Hercegovine u kojima se obavlja revizija;
- **BiH** je Bosna i Hercegovina;
- **Koordinacioni odbor vrhovnih institucija za reviziju** je odbor uspostavljen članom 46, koji se sastoji od generalnih revizora i zamjenika generalnih revizora institucija za reviziju u BiH;
- **povjerljiva informacija** je informacija čije bi objavljivanje bilo u suprotnosti sa javnim interesima iz razloga bezbjednosti, odbrane, međunarodnih odnosa ili iz razloga koji bi prejudicirali privilegovani lični integritet ili privilegovane komercijalne

interese bilo kojeg lica ili institucije kao što je određeno zakonom ili prihvaćeno u uobičajenoj komercijalnoj praksi;

- **budžetski korisnici prvog nivoa** su institucije koje se finansiraju direktno iz budžeta BiH, sa svojim vlastitim budžetskim stavkama. Budžetski korisnici drugog nivoa finansiraju se preko budžetskih korisnika prvog nivoa;
- **Savjet ministara** je Savjet ministara BiH, a ministarstva i druga tijela i institucije BiH su ostale budžetske institucije;
- **interna kontrola** je organizacija, politike i procedure koje se koriste da obezbijede da vladini programi postignu svoje ciljne rezultate, da resursi za te programe budu korišćeni konzistentno sa navedenim ciljevima organizacije i da su programi zaštićeni od prevara, nenamjenskog trošenja i pogrešnog upravljanja te da su dobijene informacije pouzdane, blagovremeno pribavljene, održavane i korišćene za izvještavanje i donošenje odluka na osnovu njih;

- ☐ **INTOSAI** je međunarodna organizacija najviših revizionih institucija;
- ☐ **INTOSAI revizioni standardi** označavaju set revizorskih standarda koje je razvio INTOSAI. Standardi sadrže sljedeće: Limsku deklaraciju o revizorskim smjernicama i pravilima (principi nezavisnosti), Revizione standarde (principi revizorskog rada) i Etički kodeks (vrijednosti i principi revizora);
- ☐ **resorni ministar** je ministar u čijem se resoru obavlja revizija;
- ☐ **Parlament** je Parlamentarna skupština BiH;
- ☐ **parlamentarna komisija** je nadležna komisija za finansije i budžet u oba doba Parlamenta odgovorna za reviziju;
- ☐ **dom Parlamenta** je svaki pojedini dom Parlamenta;
- ☐ **prerevizija** se odnosi na *edž ante* ispitivanje i na *edž ante* certifikaciju transakcija u sastavu računovodstvenog sistema;
- ☐ **prostorije** su zgrade, kancelarije, bilo koje zemljište i mjesto;
- ☐ **Predsjedništvo** je Predsjedništvo BiH;
- ☐ **javni izvještaj** je izvještaj koji je Kancelarija za reviziju odlučila da učini javnim;
- ☐ **kvalitet** je stepen do kojeg su revizorski postupci obavljani, uključujući i pripremanje revizorskih izvještaja, u skladu sa važećim revizorskim standardima, pravilima i važećim propisima;
- ☐ **sistem kontrole kvaliteta** je set uspostavljenih, koordiniranih aktivnosti koje treba da obezbijede da rad Kancelarije za reviziju bude u skladu sa važećim revizorskim standardima, pravilima i važećim propisima;
- ☐ **obezbjedenje kvaliteta** je procjena primjene i funkcionisanja predviđenog sistema i mjera sistema kontrole kvaliteta.

Član 3.

(Ciljevi)

(1) Glavni cilj Kancelarije za reviziju je da sprovođenjem revizije obezbijedi nezavisna mišljenja o izvršenju budžeta i finansijskim izvještajima, korišćenju resursa i upravljanja državnom svojinom od Savjeta ministara, budžetskih institucija i javnih institucija u BiH, čime se doprinosi pouzdanom izvještavanju o korišćenju budžetskih sredstava, transparentnom i kvalitetnom upravljanju javnim prihodima, troškovima i državnom svojinom.

(2) Kancelarija za reviziju informiše odgovorne institucije i javnost o svojim nalazima i preporukama blagovremenim i javnim objavljivanjem revizorskih izvještaja, te ako su relevantni, drugim oblicima informisanja.

(3) Kancelarija za reviziju je nepolitična i ne smije podržavati ili biti u vezi sa bilo kojom političkom strankom.

Član 4.

(Sloboda kontrole i upravljanja)

Kancelarija za reviziju, u obavljanju svojih dužnosti i sprovođenju nadležnosti u skladu sa ovim zakonom, nezavisna je i ne podliježe upravljanju ili kontroli bilo kojeg drugog lica ili institucije, osim ako ovim zakonom nije drugačije određeno.

Član 5.

(Finansiranje Kancelarije za reviziju)

(1) Kancelarija za reviziju, u skladu sa odredbama Zakona o finansiranju institucija BiH ("Službeni glasnik BiH", broj 61/04), priprema nacrt svog godišnjeg budžeta i dostavlja ga parlamentarnoj komisiji na odobravanje.

(2) Kancelarija za reviziju, poslije dobijanja odobrenja parlamentarne komisije, prema rokovima iz Zakona o finansiranju institucija BiH, dostavlja Ministarstvu finansija i trezora BiH nacrt svog budžeta radi uvrštavanja u Budžet.

(3) Ministarstvo finansija i trezora BiH, Savjet ministara i Predsjedništvo mogu dati mišljenje o nacrtu budžeta Kancelarije za reviziju, bez mogućnosti izmjene nacrta budžeta koji je prethodno odobrila parlamentarna komisija.

(4) Generalni revizor odobrava zahtjeve za plaćanje troškova Kancelarije za reviziju i dostavlja ih Ministarstvu finansija i trezora BiH na realizaciju.

Član 6.

(Godišnji izvještaj o aktivnostima i eksternoj reviziji Kancelarije za reviziju)

(1) Kancelarija za reviziju, u skladu sa Zakonom o finansiranju institucija BiH, priprema tromjesečne finansijske izvještaje o poslovanju i dostavlja ih parlamentarnoj komisiji.

(2) Godišnji izvještaj o aktivnostima (u daljem tekstu: završni izvještaj), osim informacija o poslovanju Kancelarije za reviziju, sadrži i finansijski izvještaj Kancelarije za reviziju.

(3) Kancelarija za reviziju priprema svoje finansijske izvještaje u skladu sa Zakonom o finansiranju institucija BiH.

(4) Parlamentarna komisija imenuje nezavisnu revizorsku kuću ili komisiju za reviziju od pet članova koji moraju biti stručnjaci iz oblasti revizije i računovodstva, radi revizije godišnjih finansijskih izvještaja Kancelarije za reviziju.

(5) Parlamentarna komisija imenuje posebnu komisiju od tri člana, sa odgovarajućim iskustvom, radi pregleda završnog izvještaja Kancelarije za reviziju.

(6) Komisija iz stava (5) ovog člana dostavlja parlamentarnoj komisiji izvještaj o svojim nalazima sa komentarom o revizorskim nalazima iz revizije finansijskih izvještaja Kancelarije za reviziju, prije nego što parlamentarna komisija odobri budžet Kancelarije za reviziju.

Član 7.

(Imunitet i izuzeće od odgovornosti)

(1) Revizori nisu odgovorni za djela ili propuste učinjene u toku obavljanja svojih dužnosti.

(2) Ovim izuzećem od odgovornosti neće se zaštititi revizor koji je tokom svoje službe zatečen u vršenju krivičnog djela.

(3) Kancelarija za reviziju će osoblju Kancelarije protiv kojih je pokrenut sudski postupak za djela ili propuste učinjene tokom obavljanja svojih dužnosti po ovom zakonu, nadoknaditi sve sudske troškove, pod uslovom da je lice oslobođeno krivice.

II - NADLEŽNOSTI KANCELARIJE ZA REVIZIJU

Član 8.

(Nadležnosti)

(1) Kancelarija za reviziju nadležna je za:

- a) finansijske revizije (regulisane članom 13. ovog zakona);
- b) revizije učinka (regulisane članom 14. ovog zakona) i
- c) druge specifične revizije (regulisane čl. 17. i 18. ovog zakona).

Član 9.

(Nenadležnost)

(1) Kancelarija za reviziju nije nadležna za prerevizioni uvid ili prerevizionu certifikaciju računovodstvenih transakcija, kao dijela računovodstvenog sistema.

(2) Kancelarija za reviziju nije nadležna za preduzimanje nikakve aktivnosti van onih koje se zahtijevaju prema ovom zakonu, ako smatra da te aktivnosti nisu u skladu sa njegovim dužnostima, ili ako bi njihovo obavljanje spriječilo ispunjavanje obaveza Kancelarije za reviziju po ovom zakonu.

Član 10.

(Revizorski standardi, sistem kontrole kvaliteta i sistem obezbjeđenja kvaliteta)

- (1) Kancelarija za reviziju mora primjenjivati INTOSAI revizione standarde i obezbijediti da zaposleni Kancelarije za reviziju i druga lica koja obavljaju bilo koje funkcije revizije po ovom zakonu rade u skladu sa ovim standardima.
- (2) Kancelarija za reviziju usvojiće i objaviti standarde iz stava (1) ovog člana u roku od tri mjeseca nakon stupanja na snagu ovog zakona.
- (3) Prilikom revizije javnih kompanija, koristiće se revizorski standardi Međunarodne federacije računovođa (IFAC), kao što je definisano u članu 11. ovog zakona, ako su primjenjivi.
- (4) Kancelarija za reviziju donijeće uputstva, smjernice i druge akte neophodne za primjenu revizorskih standarda u roku od tri mjeseca nakon stupanja na snagu ovog zakona.
- (5) Kancelarija za reviziju odgovorna je za implementaciju sistema kontrole kvaliteta, kojim se u revizorskom radu obezbjeđuje pridržavanje revizorskih standarda, pravila i propisa, uključujući i mehanizme obezbjeđenja kvaliteta revizorskog posla.
- (6) Parlamentarna komisija iniciraće svake četvrte godine profesionalno ocjenjivanje rada, koje se finansira iz budžetskih sredstava.
- (7) Prilikom izbora izvršioca profesionalnog ocjenjivanja, prednost se daje državnoj kancelariji za reviziju druge zemlje.
- (8) Kancelarija za reviziju objavljuje i dostavlja izvještaje o profesionalnom ocjenjivanju parlamentarnoj komisiji, uključujući i izvještaj o mjerama koje je Kancelarija za reviziju preduzela kao rezultat tog ocjenjivanja.

Član 11.

(Okvir revizije)

- (1) Nadležnost Kancelarije za reviziju obuhvata, u skladu sa odredbama ovog zakona, sve javne institucije BiH, uključujući:
 - a) Parlament;
 - b) Predsjedništvo;
 - c) Savjet ministara i budžetske institucije;
 - d) vanbudžetska sredstva koja mogu biti uspostavljena Zakonom.
- (2) Nadležnost takođe obuhvata ulaze:
 - a) sredstva koja su, kao zajam ili grant za BiH, međunarodna tijela i organizacije obezbijedile nekoj instituciji ili projektu u BiH;
 - b) sredstva obezbijeđena iz Budžeta bilo kojoj drugoj instituciji, organizaciji ili tijelu.

(3) Nadležnost Kancelarije za reviziju obuhvata i kompaniju u kojoj država ima vlasnički udjel od 50% plus jednu dionicu ili više.

(4) Revizija uključuje i sve finansijske, administrativne i druge aktivnosti, programe i projekte kojima upravlja jedna ili više institucija i tijela BiH iz ovog člana, uključujući procesuiranje i prihode od prodaje imovine, privatizacija i koncesija.

Član 12.

(Planiranje revizije)

(1) Generalni revizor donosi svake godine, nakon konsultacija sa svojim zamjenicima, godišnji plan revizije Kancelarije za reviziju za narednu godinu, uzimajući u obzir i zahtjeve u skladu sa ovim zakonom. Plan revizije dostavlja se parlamentarnoj komisiji, kao informacija, prije početka nove finansijske godine.

(2) Generalni revizor i njegovi zamjenici, prilikom određivanja godišnjeg plana revizije, postupaju u skladu sa odredbama ovog zakona i usvojenim revizorskim standardima, prema članu 10. ovog zakona.

Član 13.

(Finansijska revizija)

(1) Prilikom obavljanja revizije, Kancelarija za reviziju, u skladu sa usvojenim revizorskim standardima, pregleda finansijske izvještaje i prateće račune institucija kod kojih se obavlja revizija, sa ciljem procjene da li su finansijski izvještaji pouzdani i da li bilansi u potpunosti odražavaju rezultate izvršenja Budžeta.

(2) Kancelarija za reviziju procjenjuje da li rukovodioci institucija BiH primjenjuju zakone i propise, koriste sredstva za odgovarajuće namjene, ocjenjuje finansijsko upravljanje, funkcije interne revizije i sisteme interne kontrole.

(3) Kancelarija za reviziju obavlja prethodnu reviziju tokom finansijske godine, uključujući praćenje primjene preporuka iz prethodnih revizija i analizu mjera preduzetih na osnovu tih preporuka.

(4) Kancelarija za reviziju svake godine obavlja reviziju u skladu sa st. (1), (2) i (3) ovog člana i daje mišljenje o izvještajima o izvršenju godišnjeg budžeta za svakog od budžetskih korisnika iz člana 11. stav (1) ovog zakona i godišnje izvještava o tim revizijama u skladu sa članom 16. ovog zakona.

(5) Kancelarija za reviziju obavlja svake godine reviziju i daje mišljenje o godišnjem izvještaju o izvršenju Budžeta i godišnje izvještava o toj reviziji, u skladu sa članom 16. ovog zakona.

(6) Za druge institucije, osim navedenih u stavu (4) ovog člana, Kancelarija za reviziju obavlja finansijske revizije u skladu sa godišnjim planom revizije.

(7) Prilikom određivanja učestalosti i modaliteta revizija, u skladu sa stavom (6) ovog člana, Kancelarija za reviziju uzima u obzir:

- a) da li su nezavisni eksterni revizori već revidirali instituciju i da li Kancelarija za reviziju ima dokaz da su takve revizije dovoljne da obezbijede kriterijume koje primjenjuje i Kancelarija za reviziju,
- b) procjenu rizika.

Član 14.

(Revizija rezultata)

Kancelarija za reviziju ima pravo da izvrši pregled ili ispitivanje (reviziju rezultata) određenog aspekta poslovanja cijele ili dijela institucije, programa ili aktivnosti, u pogledu ekonomičnosti, efikasnosti i efektivnosti sa kojim ta institucija koristi svoje resurse i da o tome izvijesti na način utvrđen u članu 16. ovog zakona.

Član 15.

(Komentari o nacrtu izvještaja)

- (1) Kancelarija za reviziju, prije završetka konačnog revizorskog izvještaja, priprema nacrt revizije, koji dostavlja rukovodiocu institucije BiH radi davanja komentara.
- (2) Komentar institucije BiH o nacrtu izvještaja o reviziji iz stava (1) ovog člana dostavlja se Kancelariji za reviziju u roku od 15 dana nakon prijema nacrta izvještaja ili u dužem roku o kojem odluči Kancelarija za reviziju. Kancelarija za reviziju dužna je da razmotri ove komentare prije pripreme konačnog izvještaja i u slučajevima neslaganja, u konačni izvještaj uvrsti relevantne komentare.

Član 16.

(Izvještavanje o revizijama)

- (1) Kancelarija za reviziju dužna je da dostavi izvještaj revidiranoj instituciji i Parlamentu. Izvještaj se istovremeno dostavlja Savjetu ministara i Predsjedništvu, a može se dostaviti i svakoj drugoj nadležnoj instituciji. Kancelarija za reviziju će izvještaje o reviziji učiniti javnim nakon njihovog podnošenja.
- (2) Kancelarija za reviziju dužna je da dostavi konačne izvještaje o finansijskim revizijama iz člana 13. stav (4) ovog zakona svakoj revidiranoj instituciji i Ministarstvu finansija i trezora BiH, najkasnije u roku od 90 dana nakon podnošenja godišnjeg izvještaja. Za reviziju godišnjeg izvještaja o izvršenju Budžeta, kako je regulisano članom 13. stav (5) ovog zakona, Kancelarija za reviziju dužna je da dostavi izvještaj Parlamentu u roku od 90 dana, nakon prijema godišnjeg izvještaja o izvršenju Budžeta.
- (3) Revidirana institucija dužna je da pošalje odgovor Kancelariji za reviziju i Ministarstvu finansija i trezora BiH u roku od 60 dana od prijema revizorskog izvještaja u skladu sa stavom

(2) ovog člana, u kojem se navode radnje koje je preduzela ta institucija radi prevazilaženja slabosti, neregularnosti i prekršaja koji su identifikovani u revizorskom izvještaju.

(4) Parlament može, na osnovu nalaza i preporuka iz godišnjeg izvještaja o reviziji i/ili godišnjeg izvještaja o izvršenju budžeta, smanjiti budžet jedne ili više budžetskih institucija ili preduzeti druge odgovarajuće korektivne radnje.

(5) Kancelarija za reviziju dužna je da pripremi i dostavi izvještaj revidiranoj instituciji i Parlamentu najkasnije 30 dana nakon završetka revizije, ako se radi o izvještavanju o reviziji rezultata rada u smislu člana 14. i specijalnih revizija u smislu člana 18. ovog zakona.

(6) Kancelarija za reviziju dužna je da prikupi najvažnije nalaze i preporuke iz obavljenih finansijskih revizija, revizija rezultata i specijalnih revizija, u godišnjem izvještaju o reviziji Parlamentu. Godišnji revizorski izvještaj Parlamentu mora biti dostavljen sa izvještajem o reviziji godišnjeg izvještaja o izvršenju budžeta, kao njegov sastavni dio, kako je regulisano u stavu (2) ovog člana.

(7) Izvještaji Kancelarije za reviziju, prema ovom zakonu, objavljuju se u "Službenom glasniku BiH" i na njeb stranici Kancelarije za reviziju, osim povjerljivih informacija, kako je regulisano u čl. 44. i 45. ovog zakona.

Član 17.

(Dodatni izvještaji Parlamentu)

(1) Kancelarija za reviziju može, kada smatra potrebnim, podnijeti dodatni revizorski izvještaj Parlamentu o pitanjima iz svoje nadležnosti.

(2) Kancelarija za reviziju mora dostaviti kopiju izvještaja, u formi informacije, Predsjedništvu, Savjetu ministara, Ministarstvu finansija i trezora BiH ili bilo kojoj drugoj instituciji BiH koja, prema njenom mišljenju, ima poseban interes u tom izvještaju.

Član 18.

(Specijalne revizije)

(1) Parlament ili parlamentarna komisija mogu u bilo koje vrijeme zahtijevati da Kancelarija za reviziju obavi specijalnu reviziju.

(2) Kancelarija za reviziju odlučuje da li će obaviti specijalnu reviziju iz stava (1) ovog člana i o tome pismeno obavještava podnosioca zahtjeva, u skladu sa članom 16. ovog zakona.

Član 19.

(Informacije organima za sprovođenje Zakona)

Kancelarija za reviziju dužna je da, nakon što informiše rukovodioca revidirane institucije, osim ako to neće uticati na istragu, obavijesti organe za sprovođenje Zakona kada su

primijećene indikacije o postojanju značajnih kršenja. U takvim situacijama, Kancelarija za reviziju dužna je takođe da informiše Ministarstvo finansija i trezora BiH i resornog ministra.

III - ORGANIZACIJA, RUKOVOĐENJE I NADLEŽNOSTI

Član 20.

(Kancelarija za reviziju)

- (1) Kancelarija za reviziju je vrhovna institucija za reviziju institucija BiH, sa sjedištem u Sarajevu.
- (2) Kancelarija za reviziju može odlučiti da osnuje regionalne kancelarije gdje je njihovo postojanje primjereno i ekonomski opravdano.
- (3) Kancelariju za reviziju čine: generalni revizor, zamjenici generalnog revizora, revizorsko osoblje (revizori) i administrativno osoblje.

Član 21.

(Rukovodstvo Kancelarije za reviziju)

- (1) Generalni revizor rukovodi Kancelarijom za reviziju i odgovoran je za dužnosti i ovlašćenja data Kancelariji za reviziju ovim zakonom.
- (2) Generalni revizor ima dva zamjenika, koji mu pomažu u obavljanju dužnosti Kancelarije za reviziju i koji, prema uputama generalnog revizora, mogu izvršavati sve funkcije, obaveze i ovlašćenja generalnog revizora.
- (3) Generalni revizor imenuje jednog od svojih zamjenika kao zamjenu za vrijeme svog odsustva. Ovo imenovanje može se naizmjenično mijenjati između dva zamjenika.
- (4) Generalni revizor i njegovi zamjenici ne mogu da učestvuju ili da donose odluke o reviziji institucija BiH u kojima su generalni revizor i/ili njegovi zamjenici bili rukovodioci ili zamjenici rukovodioca u protekle dvije godine.

Član 22.

(Organizacija)

- (1) Generalni revizor određuje organizaciju Kancelarije za reviziju Pravilnikom o unutrašnjoj organizaciji i sistematizaciji radnih mjesta, nakon konsultacije sa svojim zamjenicima.
- (2) Generalni revizor donosi, nakon konsultacije sa svojim zamjenicima, sve interne propise, pravila i procedure neophodne za funkcionisanje Kancelarije za reviziju.
- (3) Generalni revizor, prilikom određivanja organizacije Kancelarije za reviziju, definiše internim aktom podjelu odgovornosti između njega i njegovih zamjenika.

Član 23.

(Uslovi za funkciju generalnog revizora i zamjenika generalnog revizora)

- (1) Kandidati za funkciju generalnog revizora i zamjenika generalnog revizora moraju biti lica koja:
 - a) imaju diplomu ekonomskog ili pravnog fakulteta ili drugu adekvatnu visoku stručnu spremu koja programom odgovara traženom iskustvu u oblasti računovodstva, revizije, javnih finansija ili javne administracije najmanje 10 godina,
 - b) nisu osuđivana za krivična djela i/ili privredne prestupe ili djela koja ne odgovaraju njihovim dužnostima.
- (2) Generalni revizor i zamjenici generalnog revizora dužni su da primjenjuju ovlašćenja i obavljaju dužnosti Kancelarije za reviziju nezavisno i u skladu sa INTOSAI revizorskim standardima.
- (3) Generalni revizor i zamjenici generalnog revizora podliježu Zakonu o sukobu interesa u institucijama vlasti BiH ("Službeni glasnik BiH", broj 16/02).

Član 24.

(Imenovanje generalnog revizora i zamjenika generalnog revizora)

- (1) Generalnog revizora i zamjenike generalnog revizora imenuje Parlament, na predlog Komisije za izbor iz stava (4) ovog člana. Predlog se zasniva na rang-listi kandidata.
- (2) Javni konkurs za popunjavanje upražnjenog mjesta generalnog revizora i zamjenika generalnog revizora raspisuje Komisija za izbor iz stava (4) ovog člana, koji se objavljuje u "Službenom glasniku BiH".
- (3) Sve administrativno-stručne poslove za Komisiju za izbor iz stava (4) ovog člana obavlja stručna služba Kancelarije za reviziju.
- (4) Komisiju za izbor imenuje Parlament, a sastoji se od šest članova, od kojih dva člana moraju biti iz reda opozicionih stranaka. Komisija utvrđuje da li svi kandidati ispunjavaju uslove konkursa, ocjenjuje kandidate koji ispunjavaju uslove konkursa i utvrđuje rang-listu kandidata.
- (5) Generalni revizor i zamjenici generalnog revizora imenuju se na mandat od sedam godina, bez mogućnosti ponovnog imenovanja, najranije dva mjeseca prije isteka mandata.
- (6) Zamjenici generalnog revizora imenuju se iz reda druga dva konstitutivna naroda iz kojih nije imenovan generalni revizor.
- (7) Imenovanje generalnog revizora i zamjenika generalnog revizora mora biti objavljeno u "Službenom glasniku BiH".

(8) Plata i naknada plate generalnog revizora i zamjenika generalnog revizora utvrđuje se u visini plate i naknade plate predsjednika i zamjenika predsjednika Ustavnog suda BiH, osim ako nije drugačije regulisano odgovarajućim zakonom o platama u institucijama BiH.

Član 25.

(Smjenjivanje generalnog revizora i zamjenika generalnog revizora)

(1) Parlament može smijeniti generalnog revizora i zamjenike generalnog revizora sa funkcije u slučaju:

- a) podnošenja pismene dobrovoljne ostavke,
- b) nemogućnosti obavljanja dužnosti u periodu dužem od šest mjeseci,
- c) postojanja razloga utvrđenih u članu 23. ovog zakona.

(2) Parlament imenuje novog generalnog revizora ili zamjenika generalnog revizora u slučaju smjene iz stava (1) ovog člana, do kraja mandata lica koje je smijenjeno.

(3) Procedura imenovanja iz ovog člana sprovodi se u skladu sa članom 24. ovog zakona.

(4) Smjenjivanje generalnog revizora i zamjenika generalnog revizora objavljuje se u "Službenom glasniku BiH".

Član 26.

(Prenošenje ovlašćenja generalnog revizora)

(1) Generalni revizor može, prema ovom zakonu, u pisanoj formi, prenijeti bilo koje ovlašćenje generalnog revizora na bilo kojeg revizora u Kancelariji za reviziju. Međutim, generalni revizor ni u kom slučaju ne može prenijeti svoju krajnju odgovornost.

(2) Revizor na kojeg je preneseno ovlašćenje mora postupiti u skladu sa svim uputstvima generalnog revizora.

Član 27.

(Angažovanje spoljnih saradnika za ispomoć pri reviziji)

Kancelarija za reviziju, za ispomoć pri obavljanju svojih poslova, može angažovati stručno lice kao spoljnog saradnika, a koja je dužno da prihvati i slijedi sve važeće standarde i pravila Kancelarije za reviziju, kao što je regulisano ovim zakonom.

IV - ZAPOSLENI U KANCELARIJI ZA REVIZIJU

Član 28.

(Opšte odredbe)

- (1) Kancelarija za reviziju dužna je da zapošljava revizorsko i administrativno osoblje potrebno za ispunjavanje njenih dužnosti. Zapošljavanje mora biti u skladu sa čl. 28-38. ovog zakona.
- (2) Zakon o državnoj službi u institucijama BiH neće se odnositi na zaposlene u Kancelariji za reviziju.
- (3) Ako prava i obaveze zaposlenih iz radnih odnosa nisu regulisani ovim zakonom, primjenjuju se zakoni, drugi propisi i akti BiH u vezi sa radnim odnosima.
- (4) Struktura zaposlenih u Kancelariji za reviziju odražavaće okvirno nacionalnu strukturu stanovništva BiH, prema posljednjem popisu.

Član 29.

(Dužnosti zaposlenih)

- (1) Zaposleni u Kancelariji za reviziju primjenjivaće i obezbjeđivati poštovanje Ustava i zakona BiH i izvršavati zadatke utvrđene Pravilnikom o unutrašnjoj organizaciji Kancelarije za reviziju.
- (2) Ako zaposleni u Kancelariji za reviziju dobije nezakonit nalog, primijenit će procedure utvrđene posebnim pravilnikom.
- (3) Kancelarija za reviziju dužna je da uspostavi Etički kodeks za zaposlene, na osnovu međunarodnopriznatih INTOSAI revizorskih standarda, koji zaposleni moraju primjenjivati. Zaposleni su dužni da pročitaju Etički kodeks i polože zakletvu i svojim potpisom prihvate obaveze koje proističu iz Etičkog kodeksa, što je i preduslov za zaposlenje.
- (4) Zaposleni će biti nepristrasni, a posebno:
 - a) uzdržavati se od postupka ili propusta ili se ne sukobljavati sa dužnostima utvrđenim ovim zakonom, a posebno se uzdržavati od javnog manifestovanja svojih političkih ili religijskih uvjerenja;
 - b) neće tražiti, niti primati nikakvu dobit, korist, prednost u novcu ili uslugama za sebe ili svoju rodbinu.
- (5) Zaposleni su obavezni da čuvaju od objavljivanja povjerljive informacije kako je to utvrđeno posebnim pravilnikom, a takva obaveza traje i nakon prestanka rada u Kancelariji za reviziju.

Član 30.

(Prava zaposlenih)

Zaposleni u Kancelariji za reviziju imaju pravo na:

- a) odsustvo i pravo da nastave raditi na istim ili sličnim poslovima po isteku odsustva, u skladu sa članom 28. stav (3) ovog zakona;

- b) platu i naknadu u skladu sa ovim zakonom;
- c) podsticanje i podršku u napredovanju u karijeri i profesionalnom razvoju, putem obuke i na druge načine;
- d) zaštitu fizičkog i moralnog integriteta od države, dok obavljaju svoje službene dužnosti;
- e) tretiranje od nadređenih s poštovanjem njihovog ljudskog dostojanstva;
- f) osnivanje i pridruživanje sindikatu ili profesionalnom udruženju, u skladu sa zakonom i
- g) fer i isti tretman od rukovodioca, bez obzira na pol, nacionalnost, socijalno porijeklo, prebivalište, religiju, politička ili druga uvjerenja, bračni ili drugi status, dob, imovinu, invaliditet (hendikep) ili drugo.

Član 31.

(Nepodudarnost)

Zaposleni neće obavljati funkciju, aktivnost, niti zauzimati poziciju koja predstavlja sukob interesa sa njegovim službenim dužnostima, a posebno neće:

- a) imati nikakvu javnu funkciju na bilo kojem nivou u BiH;
- b) biti član upravnih ili drugih odbora političkih stranaka, niti slijediti instrukcije političkih stranaka;
- c) obavljati aktivnosti za koje se prima naknada, osim ako ih nije odobrio generalni revizor.

Član 32.

(Zapošljavanje)

- (1) Ako postoji slobodno radno mjesto u Kancelariji za reviziju, može se objaviti oglas za njegovo popunjavanje.
- (2) Oglas za popunjavanje radnog mjesta objavljuje se najmanje mjesec dana prije roka za podnošenje prijava u "Službenom glasniku BiH" i najmanje u jednim dnevnim novinama koje se distribuiraju na cijeloj teritoriji BiH.
- (3) Oglas sadrži:
 - a) opis slobodnog radnog mjesta;
 - b) opšte uslove utvrđene zakonom i
 - c) posebne uslove za to radno mjesto utvrđene Pravilnikom o unutrašnjoj organizaciji i sistematizaciji radnih mjesta.

Član 33.

(Opšti uslovi)

(1) Opšti uslovi koje kandidat mora ispunjavati su:

- a) da je državljanin BiH;
- b) da je stariji od 18 godina;
- c) da ima odgovarajuće obrazovne i stručne kvalifikacije, kako je određeno Pravilnikom o unutrašnjoj organizaciji i sistematizaciji radnih mjesta u Kancelariji za reviziju;
- d) da je zdravstveno sposoban;
- e) da nije otpušten iz državne službe kao rezultat disciplinske mjere na bilo kojem nivou vlasti u BiH tri godine prije podnošenja prijave za zaposlenje;
- f) da se protiv njega ne vodi krivični postupak, niti da je pravosnažno osuđen na kaznu zatvora za krivična djela, sa izuzetkom krivičnih djela protiv bezbjednosti u saobraćaju, u skladu sa krivičnim zakonom;
- g) da nije obuhvaćen odredbama člana IDŽ. 1. Ustava BiH.

(2) Osim opštih uslova za zaposlenje u Kancelariji za reviziju, kandidati moraju ispunjavati i posebne uslove: specifičan nivo obrazovanja i profesije, godine službe, specijalne profesionalne vještine i znanja, posebne zdravstvene sposobnosti i sl., koji će biti utvrđeni Pravilnikom o unutrašnjoj organizaciji i sistematizaciji radnih mjesta u Kancelariji za reviziju.

Član 34.

(Proces izbora i imenovanja)

- (1) Generalni revizor imenuje komisiju za izbor od tri člana.
- (2) Komisija za izbor razmatra sve blagovremeno dospjele prijave i utvrđuje skraćenu listu najkvalifikovanijih kandidata.
- (3) Komisija za izbor poziva sve kandidate sa skraćene liste na razgovor (intervju) sa izbor.
- (4) Razgovor (intervju) obavlja se uz pridržavanje principa zakonitosti, meritornosti, nezavisnog nadzora, otvorenosti i transparentnosti.
- (5) Nakon intervjuja, komisija za izbor većinom glasova, putem pisane preporuke, generalnom revizoru daje rang-listu sa najmanje tri najkvalifikovanija kandidata.
- (6) Generalni revizor imenuje prvog kandidata sa rang-liste koju mu je podnijela komisija za izbor. U slučaju da ovo imenovanje ne može biti izvršeno iz bilo kojeg opravdanog razloga (uz podnošenje dokaza), razmatra se sljedeći kandidat sa skraćene liste.

(7) Kancelarija za reviziju mora sačuvati sve dokumente - dosjee u vezi sa postupkom izbora, uključujući i oglas o popunjavanju slobodnih radnih mjesta i primljene prijave.

(8) Nezadovoljna strana zaštitu svojih prava ili povrijeđenih interesa može da zatraži pred nadležnim sudom.

Član 35.

(Disciplinska odgovornost)

(1) Zaposleni se smatra odgovornim za kršenje službene dužnosti koje nastaje kao rezultat njegove krivice, na način određen u ovom zakonu.

(2) Povrede službene dužnosti mogu biti:

- a) izvršenje radnje koja predstavlja krivično djelo protiv službene dužnosti ili drugo krivično djelo, odnosno prekršaj kojim se nanosi šteta Kancelariji za reviziju, što zaposlenog čini nepodobnim za rad u Kancelariji za reviziju;
- b) odavanje državne, vojne i službene tajne, odnosno povreda propisa o čuvanju tih tajni;
- c) zloupotreba službenog položaja ili prekoračenje ovlašćenja;
- d) neizvršavanje ili nesavjesno i nemarno obavljanje povjerenih poslova i zadataka;
- e) odbijanje izvršenja zakonitih naređenja neposredno nadređenog;
- f) preduzimanje aktivnosti ili postupaka suprotnih interesima Kancelarije za reviziju;
- g) prouzrokovanje veće materijalne štete, namjerno ili iz krajnje nepažnje;
- h) neodobreno odsustvovanje sa posla duže od sedam dana;
- i) kršenje propisa u vezi sa radnom disciplinom u Kancelariji za reviziju;
- j) neblagovremeno i neuredno izvršavanje povjerenih poslova i zadataka;
- k) nepristojno ponašanje prema građanima, saradnicima ili drugim licima u obavljanju službenih dužnosti.

(3) Odgovornost za izvršenje krivičnih djela i prekršaja ne isključuje unaprijed odgovornost zaposlenog u slučaju da djelo predstavlja i povredu službene dužnosti.

(4) Disciplinske sankcije mogu biti:

- a) pisana upozorenja,
- b) suspenzija sa radnog mjesta,
- c) degradiranje na nižu poziciju,

d) prestanak radnog odnosa.

Član 36.

(Disciplinske procedure)

(1) Svaka revidirana institucija može generalnom revizoru Kancelarije za reviziju uložiti prigovor na rad revizora.

(2) Svaki zaposleni može dati inicijativu za pokretanje disciplinskog postupka protiv zaposlenog u Kancelariji za reviziju za kojeg postoji sumnja da je učinio povredu službene dužnosti iz člana 35. ovog zakona.

(3) Generalni revizor donijeće pravilnik kojim će se potpunije urediti disciplinska odgovornost, a prema principima Zakona o državnoj službi u institucijama BiH i Zakona o krivičnom postupku BiH.

Član 37.

(Struktura plata)

Kancelarija za reviziju dužna je da utvrdi strukturu plata za obračun plata i različitih platnih razreda u kojoj zaposleni u Kancelariji za reviziju moraju biti kategorizovani. Pri određivanju platnih razreda, treba uzeti u obzir specifične vještine i iskustvo koje je neophodno za ispunjenje dužnosti i odgovornosti Kancelarije za reviziju i dugoročni cilj harmonizacije strukture plata sa drugim državnim institucijama BiH.

Član 38.

(Prestanak radnog odnosa)

(1) Radni odnos zaposlenih u Kancelariji za reviziju može prestati u slučaju:

- a) dobrovoljne ostavke;
- b) isteka ugovora, u slučajevima gdje je to primjenjivo;
- c) sticanja zakonskog prava na penzionisanje;
- d) trajne nemogućnosti da se ispune službene obaveze zbog zdravstvenog stanja, pod uslovom da se zaposleni ne može rasporediti na drugo radno mjesto u Kancelariji za reviziju;
- e) gubitka državljanstva BiH;
- f) dobijanja državljanstva druge zemlje u suprotnosti sa Ustavom BiH i zakonima u BiH;
- g) dvije uzastopne negativne ocjene rada;
- h) ako je osuđen za krivično djelo i kada zbog izdržavanja kazne zatvora mora odsustvovati sa posla iz Kancelarije za reviziju duže od šest mjeseci ili

- i) izrečene disciplinske mjere prestanka radnog odnosa.

V - OVLAŠTENJE ZA PRIKUPLJANJE INFORMACIJA

Član 39.

(Ovlašćenja Kancelarije za reviziju za prikupljanje informacija)

- (1) Kancelarija za reviziju može pismeno zahtijevati od revidirane institucije da u određenom roku dostavi:
 - a) bilo koju informaciju,
 - b) bilo koji dokument ili informaciju, uključujući podatke u elektronskom obliku, koje ta institucija čuva ili su pod njenom kontrolom.
- (2) Kancelarija za reviziju može zahtijevati da:
 - a) se informacije ili odgovori na pitanja daju usmeno ili pismeno;
 - b) informacije ili odgovori na pitanja budu verifikovani pismenom izjavom ili potvrdom.
- (3) Izjava ili potvrda je garancija da su informacije ili dokazi koji se daju istiniti i da ih Kancelarija za reviziju može koristiti.
- (4) Revidirana institucija dužna je da se pridržava odredaba iz ovog člana.

Član 40.

(Pristup prostorijama i dokumentaciji)

- (1) Revizori imaju pravo da:
 - a) u bilo koje razumno vrijeme uđu i ostanu u bilo kojoj prostoriji koju koristi revidirana institucija;
 - b) u bilo koje razumno vrijeme imaju potpun i slobodan pristup bilo kojem dokumentu ili drugoj imovini;
 - c) pregledaju, kopiraju ili uzmu izvode bilo kojeg dokumenta.
- (2) Revizor nema pravo da uđe i ostane u prostorijama ako na zahtjev njihovog korisnika ne predoči pismeno ovlašćenje.
- (3) Pismeno ovlašćenje je ovlašćenje Kancelarije za reviziju koje je potpisao generalni revizor ili jedan od njegovih zamjenika, prema kojem je revizor ovlašćen za obavljanje takvih poslova.
- (4) Ako revizor uđe ili predloži da uđe u prostorije, njihov korisnik dužan je da mu obezbijedi sva razumna sredstva za uspješno obavljanje poslova iz ovog člana.

Član 41.

(Ovlašćenja za prikupljanje informacija koje ne ograničavaju drugi zakoni)

Ovlašćenja iz čl. 39. i 40. ovog zakona ne ograničavaju se nijednim drugim zakonom.

Član 42.

(Svrhe u koje se mogu koristiti ovlašćenja za prikupljanje informacija)

Ovlašćenja iz čl. 39. i 40. mogu se koristiti u svrhu ili u vezi sa bilo kojom funkcijom Kancelarije za reviziju.

Član 43.

(Lažne izjave)

Službeno lice ne smije dati usmenu ili pismenu izjavu revizoru za koju zna da je lažna ili navodi na pogrešan trag u bitnim pojedinostima.

VI - ODREDBE O POVJERLJIVOSTI

Član 44.

(Povjerljivost informacija)

Ako revizor dobije informaciju u toku obavljanja poslova Kancelarije za reviziju, ne smije tu informaciju otkrivati, niti prenositi, osim za obavljanje poslova Kancelarije za reviziju ili ako je zakonom dato pravo da otkrije ili prenosi takvu informaciju.

Član 45.

(Povjerljive informacije koje ne treba da budu uvrštene u javni izvještaj)

(1) Kancelarija za reviziju ne smije uvrstiti u javni izvještaj određene informacije ako:

- a) smatra da su te informacije povjerljive, ili
- b) rukovodilac revidirane institucije izda potvrdu kojom izjavljuje da su te informacije, u skladu sa zakonom i pravilnicima revidirane institucije, povjerljive.

(2) Ako se steknu uslovi iz stava (1) ovog člana, Kancelarija za reviziju može odlučiti da:

- a) ne pripremi javni izvještaj, ili
- b) izostavi određene informacije iz javnog izvještaja.

(3) Kancelarija za reviziju može pripremiti izvještaj iz stava (2) ovog člana kao povjerljivu informaciju i dostaviti ga parlamentarnoj komisiji, ali ga neće javno objavljivati.

VII - KOORDINACIONI ODBOR VRHOVNIH INSTITUCIJA ZA REVIZIJU

Član 46.

(Koordinacioni odbor)

- (1) Ovim zakonom osniva se Koordinacioni odbor vrhovnih institucija za reviziju (u daljem tekstu: Koordinacioni odbor), koji čine generalni revizori i zamjenici generalnih revizora kancelarija za reviziju institucija BiH, Republike Srpske i Federacije Bosne i Hercegovine.
- (2) Koordinacionom odboru predsjedava generalni revizor Kancelarije za reviziju, a u slučaju odsutnosti njegov ovlašćeni predstavnik.
- (3) Nadležnosti Koordinacionog odbora su:
 - a) uspostavljanje konzistentnih vodiča i uputstava zasnovanih na INTOSAI revizorskim standardima;
 - b) razmjena profesionalnih iskustava i težnja ka obezbjeđenju konzistentnog kvaliteta revizije;
 - c) organizacija i koordinacija razvojnih aktivnosti sve tri kancelarije za reviziju;
 - d) dodjeljivanje revizorske odgovornosti za zajedničke aktivnosti;
 - e) određivanje predstavnika u međunarodnim tijelima.
- (4) Koordinacioni odbor donosi odluke konsenzusom. Svaka kancelarija za reviziju ima po jedan glas.
- (5) Stručne i administrativno-tehničke poslove za potrebe Koordinacionog odbora obezbjeđuje Kancelarija za reviziju.
- (6) Troškove Koordinacionog odbora i obezbjeđivanja stručnih i administrativno- tehničkih poslova zajednički snose institucije za reviziju, na osnovama koje će definisati Koordinacioni odbor.

VIII - PREKRŠAJNE ODREDBE

Član 47.

(Kršenje članova 39, 40. i 43. ovog zakona)

- (1) Pravni subjekt može biti kažnjen za prekršaj novčanom kaznom u iznosu od 5.000 KM do 50.000 KM ako:
 - a) prekrši odredbe člana 39. ovog zakona;
 - b) ne obezbijedi revizoru sva razumna sredstva za efektivno obavljanje revizorskih ovlašćenja iz člana 40. ovog zakona.

(2) Za prekršaje iz stava (1) ovog člana, fizičko lice ili odgovorno lice u pravnom subjektu može biti kažnjeno novčanom kaznom u iznosu od 1.000 KM do 3.000 KM.

(3) Fizičko lice ili odgovorno lice u pravnom subjektu, koje revizoru da lažnu pismenu ili usmenu izjavu ili takvu pismenu ili usmenu izjavu koja navodi na pogrešan trag prema odredbama člana 43. ovog zakona, kazniće se novčanom kaznom u iznosu od 1.000 KM do 3.000 KM.

IDŽ - PRELAZNE I ZAVRŠNE ODREDBE

Član 48.

Kancelarija za reviziju, osnovana Zakonom o reviziji finansijskog poslovanja institucija BiH ("Službeni glasnik BiH", broj 17/99) nastavlja raditi prema odredbama ovog zakona.

Član 49.

(1) Postupak imenovanja generalnog revizora i dva zamjenika generalnog revizora pokreće se odmah nakon stupanja na snagu ovog zakona i završava se najkasnije u roku od šest mjeseci nakon stupanja na snagu ovog zakona.

(2) Lica koja obavljaju dužnost generalnog revizora i zamjenika generalnog revizora u vrijeme stupanja na snagu ovog zakona nastavljaju obavljati svoje dužnosti u skladu sa ovim zakonom sve dok Parlament ne imenuje generalnog revizora i dva zamjenika generalnog revizora, u skladu sa odredbom člana 24. stav (1) ovog zakona.

(3) Bez obzira na odredbu člana 24. stav (5) ovog zakona, lice koje je obavljalo dužnost generalnog revizora ili zamjenika generalnog revizora u skladu sa Zakonom o reviziji finansijskog poslovanja institucija BiH ("Službeni glasnik BiH", broj 17/99) podobno je da aplicira na mjesto generalnog revizora ili zamjenika generalnog revizora, u postupku iz stava (1) ovog člana.

Član 50.

U slučaju sukoba odredaba ovog i odredaba drugih zakona, primjenjivaće se odredbe ovog zakona.

Član 51.

Stupanjem na snagu ovog zakona prestaje da važi Zakon o reviziji finansijskog poslovanja institucija BiH ("Službeni glasnik BiH", broj 17/99).

Član 52.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH broj 264/06
31. januara 2006. godine
Sarajevo

Predsjedavajući
Predstavničkog doma
Parlamentarne skupštine BiH
dr **Nikola Špirić**, s. r.

Predsjedavajući
Doma naroda
Parlamentarne skupštine BiH
Mustafa Pamuk, s. r.